

Z A P I S N I K

sa III sjednice Vijeća Građevinskog fakulteta Univerziteta u Sarajevu, održane dana 05.03.2020. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici:

Dolarević dr. Samir, Pozder dr. Mirza, Hrasnica dr. Mustafa, Milašinić dr. Zoran, Simonović dr. Goran, Ilić-Georgijević dr. Emil, Imamović dr. Ismar, Topoljak dr. Jusuf, Vrce dr. Esad, Mulić dr. Medžida, Čerimagić dr. Đenari, Šuvalija dr. Suvada, Kurtović dr. Azra, Džebo dr. Suada, Medić dr. Senad, Milišić dr. Hata, Omičević dr. Džanina, Mešić dr. Esad, Hadžić dr. Emina, Ljevo dr. Žanesa, Hadžalić dr. Emina, Karavelić dr. Emir, Skejić dr. Adis,

Saradnici:

Nedim Kulo (G), Džubur Alma (H), Mladen Kapor (Kat.za geol.), Medić Jelena (K), Šarić Ammar (S), Suljević Samir (K), Lazović Nerma (H).

Studenti: -----

ODSUTNI ČLANOVI:

Nastavnici i saradnici: Mulahusić dr. Admir, Albinović dr. Sanjin, Serdarević dr. Amra, Ibrahimbegović dr. Adnan, Tuno dr. Nedim, Balić dr. Anis, Ademović dr. Naida, Krdžalić Dževad (G), Damir Hasanspahić (Mat),

Studenti: Adeliša Subašić, Izet Nanić i Damir Tahirović

Na prijedlog prodekana usvojen je sljedeći promjenjeni:

DNEVNI RED:

- I Usvajanje Zapisnika sa II sjednice Vijeća Građevinskog fakulteta, održane 11.02.2020. godine;
- II Imenovanje Komisije za pripremanje prijedloga za izbor u naučnonastavno zvanje redovni profesor za naučnu oblast "Konstrukcije", po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.02.2020. godine;
- III Utvrđivanje prijedloga za raspisivanje konkursa za izbor u naučnonastavno zvanje: docent za naučnu oblast „Hidrotehnika i okolišno inženjerstvo“ – jedan izvršilac sa punim radnim vremenom;
- IV Izvještaj o finansijskom poslovanju za period 01.01.2019. do 31.12.2019. godine
- V Saglasnost za angažman na drugim fakultetima UNSA;
- VI Donošenje odluke o prodaji telefonske centrale;
- VII Prijedlog Komisije za izdavačku djelatnost o utvrđivanju cijena knjiga
- VIII Izvještaji Komisija za ocjenu i odbranu završnih radova;
- IX Razno.

Ad/I

Na Zapisnik sa II sjednice Vijeća Građevinskog fakulteta, održane 11.02.2020. godine nije bilo primjedbi, te je isti jednoglasno usvojen.

Ad/II

Odsjek za konstrukcije je Vijeću dostavio prijedlog sastava Komisija za pripremanje prijedloga za izbor u naučnonastavno zvanje redovni profesor za naučnu oblast "Konstrukcije", po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.02.2020. godine. Vijeće Građevinskog fakulteta je razmatralo isti i većinom glasova donijelo odluku da se u Komisiju za pripremanje prijedloga za izbor u naučnonastavno zvanje redovni profesor za naučnu oblast "Konstrukcije", jedan izvršilac sa punim radnim vremenom, po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.02.2020. godine, imenuju:

- 1.) Dr.sc. Muhamed Zlatar, dipl.inž.građ., profesor emeritus Građevinskog fakulteta Univerziteta u Sarajevu (naučna oblast „Konstrukcije“), predsjednik Komisije;
- 2.) Dr.sc. Samir Dolarević, dipl.inž.građ., redovni profesor Građevinskog fakulteta Univerziteta u Sarajevu (naučna oblast „Konstrukcije“), član Komisije;
- 3.) Dr.sc. Mustafa Hrasnica, dipl.inž.građ., redovni profesor Građevinskog fakulteta Univerziteta u Sarajevu (naučna oblast „Konstrukcije“), član Komisije.

Komisija je obavezna da Izvještaj sa prijedlogom za izbor kandidata dostavi Vijeću, u skladu sa tekstem raspisanog konkursa, ovom Odlukom i Potvrdom najduže u roku od 45 dana od dana isteka roka za podnošenje prijave na konkurs.

Ad/III

Na prijedlog Odsjeka za hidrotehniku i okolišno inženjerstvo, Vijeće je donijelo odluku kojom je utvrdilo prijedlog za raspisivanje konkursa za izbor/napredovanje u naučnonastavno zvanje: docent za naučnu oblast „Hidrotehnika i okolišno inženjerstvo“ – jedan izvršilac sa punim radnim vremenom.

Kandidati za izbor u naučnonastavno zvanje docent treba da ispunjavaju opće zakonske uvjete i minimalne uvjete za izbor u naučnonastavno zvanje docent utvrđene Zakonom o visokom obrazovanju i Statutom Univerziteta u Sarajevu.

Pored općih zakonskih i minimalnih uvjeta za izbor u naučnonastavno zvanje docent utvrđenih Zakonom o visokom obrazovanju i Statutom Univerziteta u Sarajevu, kandidati trebaju da ispunjavaju i sljedeće uvjete:

- diplomirani inženjer građevinarstva, odnosno magistar građevinarstva sa 300 ECTS bodova, smjer Hidrotehnika i okolišno inženjerstvo, naučni stepen doktora nauka iz oblasti za koju se prijavljuje.

Odluku Vijeća dostaviti na saglasnost Senatu Univerziteta u Sarajevu.

Ad/IV

Dekan je obavijestio Vijeće da je Služba za računovodstvo i finansije Građevinskog fakulteta sačinila Izvještaj o finansijskom poslovanju Građevinskog fakulteta Univerziteta u Sarajevu za period od 01.01.2019. do 31.12.2019. godinu,

Dekan navodi da su uglavnom Institut za materijale i konstrukcije i Institut za geotehniku i geološko inženjerstvo u prošloj godini na stručnim projektima zaradili više novca nego što je potrošeno. Dio zarađenog novca je potrošen za utvrđene namjene, a preostali dio sredstava treba utrošiti za nabavku neophodne opreme za fakultet.

Vijeće je razmotrilo Izvještaj o finansijskom poslovanju i jednoglasno donijelo odluku o usvajanju Izvještaja o finansijskom poslovanju Građevinskog fakulteta Univerziteta u Sarajevu za period od 01.01.2019. do 31.12.2019. godine.

Izvještaj o finansijskom poslovanju Građevinskog fakulteta Univerziteta u Sarajevu za period od 01.01.2019. do 31.12.2019. godinu će biti dostavljen Upravnom odboru Univerziteta u Sarajevu na daljnje postupanje.

Ad/V

Vijeće je dalo saglasnost za angažman:

- a) Višem asistentu Damiru Hasanspahiću, za angažman u realizaciji nastavnonaučnog procesa na Fakultetu za saobraćaj i komunikacije Univerziteta u Sarajevu u akademskoj 2019/2020.godini za nastavni predmet:
 - "Inženjerska matematika II", u II semestru, sa 3 časa vježbi sedmično;

- b) Asistentu Samiru Suljeviću, dipl.inž.građ., za angažman u realizaciji nastavnonaučnog procesa na Arhitektonskom fakultetu Univerziteta u Sarajevu u akademskoj 2019/2020.godini za nastavni predmet:
- "Drvene i metalne konstrukcije", I ciklus VI semester, sa 6 časova vježbi sedmično.

Ad/VI

Na prijedlog dekana Vijeće je donijelo odluku o odobravanju prodaja rashodovane telefonske centrale, koja nije u upotrebi.

Utvrđena je početna cijena u iznosu od 250,00 KM.

Prodaja telefonske centrale izvršit će se postupkom javnog nadmetanja (licitacije), putem pribavljanja pismenih ponuda.

Ovlašćuje se dekan da u skladu sa zakonom provede postupak prodaje navedene telefonske centrale.

Ad/VII

Na Prijedloge Komisije za izdavačku djelatnost Vijeće je donijelo odluku o utvrđivanju cijene knjiga kako slijedi:

- 1.) "Primjenjena geologija u građevinarstvu", autora prof.dr. Đenarija Čerimagića, u izdanju Građevinskog fakulteta Univerziteta u Sarajevu kako slijedi:
 - a) 15,00 (petnaest) KM za studente Građevinskog fakulteta Univerziteta u Sarajevu
 - b) 25,00 (dvadesetpet) KM za ostale kupce

- 2.) "Okolišno prihvatljivo upravljanje vodotocima", autora prof.dr. Emine Hadžić, u izdanju Građevinskog fakulteta Univerziteta u Sarajevu kako slijedi:
 - a) 15,00 (petnaest) KM za studente Građevinskog fakulteta Univerziteta u Sarajevu
 - b) 25,00 (dvadesetpet) KM za ostale kupce

Ad/VIII

Usvojeni su izvještaji komisija za ocjenu i odbranu završnog rada na drugom (II) ciklusu studija za.

- studenta Katedre za geotehniku i geološko inženjerstvo Edisa Sejdića;

- studenta Odsjeka za saobraćajnice Merima Rožajca.

Ad/IX

Pod ovom tačkom nije bilo pitanja.

Sjednica završena u 14.40 sati.

Zapisnik vodila:

Sabina Bajrić, dipl. pravnik

02-1-381-1/20

09.3.2020

DEKAN

Prof.dr. Samir Dolarević, dipl.inž.građ.